

— Ա՛յ մարդ, — ասաց ինձ, երեսը շուռ տալով, — դու ոչինչ չես հասկանում. հերձոածողն էլ հայ է, հայն էլ հերձոածող է, ուրիշ ի՞նչ զանազանություն կայ այդ խօսքերի մեջ:

— Շատ զանազանություն կայ, — պատասխանեցի ես, եւ զանազանությունը կամենում էի ցոյց տալ ձեռքիս մտրակով, բայց Արփիարը աչքով արեց, եւ ես զսպեցի իմ բարկությունը:

Նա, իմ բարկությունը նկատելով, վշտացած կերպով հեռացաւ մեզանից:

Արփիարը նկատեց.

— Այդ անպիտանները իրանց կաթոլիկ էլ չեն կոչում: Ուրիշ տեղերում, եթէ հայ-կաթոլիկները ուրանում են իրանց հայությունը, գոնէ իրանց «փռանգ» չեն կոչում: — Ահա դրա մեջն է եզոիտների գլխաւոր վնասը՝ լատիւնացնել եւ ազգայնությունը, ազգային զգացմունքը ոչնչացնել...

Երբ փոքր-ինչ առաջ գնացինք, կրօնաւորը իր ձին պահեց եւ, ձեռք տալով Ասլանին, բաժանուեցաւ մեզանից, ասելով.

— Շատ ցաւում եմ, որ իմ ուղեկցությունը այդպէս կարճատեւ եղաւ ձեզ հետ, պարոն բժշկապետ, ես այդ գիւղը պէտք է գնամ մի հիւանդի այցելութեան:

— Այդ աւելի կարելոր է, — պատասխանեց Ասլանը ժպտալով: -մնաք բարեաւ, տէր հայր:

Մենք շարունակեցինք մեր ճանապարհը դեպի Մուշ: Ասլանը տխուր մտածությունների մեջ առաջ էր քշում իր ձին: Ես եւ Արփիարը դեռ շարունակում էինք խօսել կրօնաւորի եւ հայ-կաթոլիկների մասին:

— Չարմանալի կոպիտ մարդիկ են այդ հայ-կաթոլիկները, — ասացի ես, չմոռանալով կրօնաւորի ծառայի իմ վրայ թողած անախորժ տպաւորությունը:

— Նրանք հայերի հետ միայն այդպէս են, — պատասխանեց Արփիարը՝ իր ձիւն ընթացքը հաւասարեցնելով իմին, որպէսզի ես լաւ լսեմ նրա խօսքերը: — Բայց երբ պատահում է նրանց մի օտարազգիի հետ խօսել, այդ դեպքում ստրուկի պէս խոնարհ են դառնում: Ատելությունը դեպի իրանց ազգայինները այն աստիճան զարգացել է նրանց մեջ, որ, մի հայի պատահելիս, այլեւս իրանց պահել չեն կարողանում, մոռանում են քաղաքավարությունը: Ամեն օտարազգի աղանդաւորներին նրանք կը ներեն, բայց հայի երեսին անամօթութեամբ կը նետեն «հերձոածող, չարափառ, հերետիկոս» եւ այլ անուններ: Այդ կաթոլիկ կղերի դաստիարակութեան արդիւնքն է: